

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

補編第一九冊目次

皇明疏鈔七十卷(二)

〔明〕孫旬輯
明萬曆刻本

..... 一

皇明奏疏類鈔六十一卷(一)

〔明〕汪少泉輯 孫維城等重輯
明萬曆十六年刻本

..... 六七五

皇明疏鈔七十卷(二)

〔明〕孫旬輯

明萬曆刻本

臺灣中央圖書館藏

用人

酌事理以公考覈疏

王恕

一查得諸司職掌內九年考滿教官考不通經者別用府衛教授州學正縣教諭府衛州縣訓導俱係教官教授係從九品學正教諭訓導俱未入流謂之用者但不令復為教官而以品級相等官內改用也教授合改從九品稅課司大使倉大使司獄巡檢等官學正教諭訓導合改未入流河泊所官稅課局織染局鹽課司大使副使倉大使副使等官景泰天順年間教授有改稅課局大使等官者學正教諭訓導有改除倉官河泊等官者近年以來不分教授學正教諭訓導俱改除河泊所官非惟太拘其實於教授為降等有乖別用之制合無今後教官考不通經者教授改除從九品大使司獄巡檢等官學正教諭訓導俱改除未入流河泊所及大使副使等官不拘衙門如此則改調有等選法疏通 一外官九年考滿到部有司官繁稱陞二級簡稱陞一級教官考通經者府州縣學官舉人及數乃陞衛學官并選貢衙門學官無舉人亦陞丁憂復除者舊例俱以後任定其黜陟頗有不均且如有司官前任事簡歷俸少後任事繁歷俸多陞二級固為相應若前任事繁歷俸多後

任事簡歷俸少止陞一級不無有虧教官前任府縣學日多後任衛學并選貢衙門學日少照衛并選貢衙門學不論舉人而陞固不相應前任衛學并選貢衙門學日多後任府州縣學日少論舉人不及數不陞亦不相應合無今後有司官九年考滿不分前任後任但事繁歷俸日多者陞二級事簡歷俸日多者陞一級教官亦不分前任後任但任府州縣學日多者從府州縣論任衛學并選貢衙門學日多者從衛學并選貢衙門論如此則衙門停當人心悅服一在外所屬例該考覈合屬官員雖開合下上司考覈詞語不開稱職平常不稱職字樣者案候行查回報之日有司官引奏復職教官具奏入選不無守候人難合無今後有司官雖不開稱職平常不稱字樣其詞內有勤能端謹等項字樣者即以稱職論有頗可等項者即以平常論有無為無守誤事懶惰等項字樣者即以不稱論初考二考不必行查就與定稱否引奏復職三考仍候行查至日定奪全無考覈詞語照舊行查教官舊例止以到部考通經有舉人定黜陟不以上司考語為殿最雖無考語即與具奏入選差詣官吏俱照例參問 一舊例外官考滿前任日少訂通理前任日多另歷三年是說丁憂起復并遠調改除官前任後任近年以來却將考滿給由到部

復任轉考者亦以前任後任如前論之此其因襲之失合無改正今後止以丁憂起復及更調改除為兩任照前例查考其考滿後任轉考者不必論前任後任多少 一考滿官歷任六年止開三年事蹟給由者參問准作三年考滿仍令開任補造六年考滿牌冊給由不無往返人難合無今後考滿官雖歷任六年止開三年事蹟考滿給由者其參問准作三年考滿不必補造六年考滿牌冊候六年考滿通將後六年事蹟攢造牌冊給由為便 一吏員出身考滿官或該陞正從八品正九品者或該本等用者或該降者入選之時考中該陞者陞該本等者本等用該降者降不中俱降雜職內巡檢與府司衛倉場大使俱係從九品官巡檢以軍囚及數陞司府衛倉場大使以糧草及數陞巡檢不考就陞司府衛倉大使考中方陞不中降雜職此諸司職掌不該載不知昉於何時一向因襲而行且以正從八品并正九品官考不中一例俱降雜職似無分別是以入選官懷不平者往往纏告合無今後吏員出身考滿該陞正從八品正九品者考中照例陞考不中本等用其原該本等用并該降者不必考驗照例選用若考中該陞官告願就雜職者聽如此則選法一而人心服 一知印資格兩京五府知印從八品出 部都察院知

印正九品出身在外都布按三司知印從九品出身在外知印係農民察充役滿赴部冠帶辦事半年不考就除從九品職事在京知印係役滿承差請旨點做役滿冠帶五府者考中除從八品職事六部都察院考中者除正九品職事考不中俱降除雜職且在外知印不考就照資格除授在京知印考中方照資格除授不中降用事體不一况知印原非書辦文案人役與吏典一般考招擬多是不中往往降除雜職是資格高者得官及卑資格卑者反高似非所宜除都布按三司知印照舊不考就選外合無今後五府六部都察院知印臨選之時止考行移中者照資格除授不中者降一級用如此則事體適中而彼此皆安 一在外司府州縣等衙門官三年六年俱赴部給由惟雲南布政司軍職首領并斷事司理問兩官府州縣首領官貴州布政司所屬府州縣官并軍職首領官三年六年考滿俱赴本布政司給由考覈就彼復職牌冊類繳候九年通考赴部其各處閩壩河泊稅課司局并驛遞官三年六年考滿隸布政司者俱赴各該布政司給由南直隸者赴南京吏部給由亦就彼考覈復職牌冊俱差人類繳本部北直隸者赴本部給由引 奏復職九年通考官不分遠近 是部給由係是舊例及查得成化六年為申明舊

制事本部題准今後除邊方軍馬錢糧所係官員考滿申請定奪外其餘不係邊方大小官員務要依例三年給由雖有專責差占及奉例納米等項三年六年之間亦要一次赴部給由考覈不許託故違者查理究問有規避黜降已經通行外成化二十等年又該戶部題准被災去處三年六年考滿官員依例納米准令給由以備一時救荒又經通行去後今奏前因誠為有理除雲南等處地方寬遠有司大小官員照舊本布政司給由外其浙江等布政司并南北直隸府州縣等衙門今後有司大小官員三年六年考滿俱要依例赴部給由考覈驛遞等官在外者仍赴本布政司給由係南直隸者赴南京吏部給由俱造牌冊繳部查考北直隸者赴本部給由引 奏復職俱不許仍前一槩納米以玷名節如過地方災傷缺糧賑濟許令有司預先別作措置或臨期多方區處如此則考課之法不致廢弛而備荒之政不誤矣

王守令疏

李承勛

治化之行自守令始守令之當重人孰不知然徒有重之之虛言而不副以重之之實事亦未見其重也重之之旨有四曰求之博而擇之精也曰禮之重也曰責之專也曰任之久也大知府雖當久任而州縣之任亦可不久惟官知縣有行取之例雖難均

九年亦必待二三年善政有聞而後可旌異之又三年素履無改而後可行取之更繁調簡之例一切毋以妨職業然上有員缺則下必遞遷故欲久任之法必行又自愛惜人才始伏願 皇上念天之生才至難君之造就尤難毋以小過而棄大用之才毋以一肯而致終身之擯在上既無輕棄之才則下自有速化之術矣近以言官建白吏部重守牧之職而欲公薦天下之賢才可謂得其要矣 臣愚以為州縣正官尤為親民擇之尤不可不博而精况京堂之薦舉有限人才之隱伏無窮與其限之於數人未若博求於天下方今撫按於按屬之賢者已有旌揚之典矣但賢才衆多恐非一人所能盡知而知之未必盡真也用之未必盡公且當也自知府而論之其僚佐則有同知通判推官之員其屬則有經歷以下至於州縣正佐首領師儒之員莫不各有僚屬又郡邑之中或有志行高潔甘於山林者皆所謂天下之人才也以僚屬相與則賢不著於官以鄉士居家則善惡孚於鄉見聞之間知之必實使各舉所知不拘爵之崇卑不限數之多寡總以聞於知府而明揚焉至於布政按察二司亦莫不各以所知屬官鄉宦為薦因其一為之人吏部加之以訪察之嚴舉之以衆人之舉量地授之以官不舉者申蔽賢之罰謬舉者

連坐之法則求才極其廣薦舉極其公而選擇極其精矣夫士莫不願伸於知已既愛知於君子則凡中人之才猶知自勵而况豪傑之士乎如是而守令之職猶稱乏人者臣未之信也夫守令之職既精選矣然使待遇之不隆猶為未也夫守令之於統蒞最重者莫如撫按其察謁之禮蓋著為令矣比來守令不問賢不肖惟以奉承為臧否跪拜頻仍送迎踰境者雖知為過禮而內喜喜則忘其惡以禮自處不諂不瀆者雖知其為正而不悅不悅則頹忘其善或者爭一跪伏之末節而構成大隙又於是從而媒孽其短假耳目以求其疵瑕植心腹以伺其陰私甚而大張無稽之謗指庶為貪以正為邪而論劾公排考語私醜矣 朝廷見其羅織之詞以為去之猶有餘辜而豈能盡知其中不能無負屈者乎或未必遽去而遷就為之所使有道之士不得行其志而又蒙其污故有高飛深逝之想而不樂就其職亦勢之所必至者耳流俗之見乃謂某官之賢如彼近被挾私一劾遂致如此况吾曹眾人可不曲意依阿乎至於公事之是非生民之困苦天災之迭至真知其可憂者誰歟真以為已憂者誰歟天下之俗愈趨愈下以至於此可急改絃而更張之誠可為寒心也 臣願申明憲網

遵守弗得違越在上者國不可蔑視 國憲而

皇明疏

卷之三

七

責其過為承奉在下者尤不可不知自重而非禮送迎各官在任果有異政者更隆以殊恩或榮之以爵秩或勞之以金帛或 朝覲之年特賜召問則遇守令之隆又自 朝廷始不惟人不敢輕而守令亦知自重矣如此而不知激勸職業未脩者臣未之信也然任之不專猶為未也今之守令凡事必申請于監司為監司者亦樂分其事否則疑為輕已怒及而謗隨之夫不但提吏察官而又盡反其政至於瑣細末務委官規畫不復關白守令既有成案然後數刊大榜飭以四六之文付之施行雖有土俗不宜不得輒有變動前官之榜鄉民未及徧閱而後官紛更又告皇明疏 卷之三 七

至矣有志者稍有釐正動輒獲戾僚屬軍民見正官無專主之權益動忽之盖知上之人必不聽其自任也復何善政之有臣愚以為凡府州縣一切事務皆宜付之守令不得分侵其權或疑如此使郡縣得人則可知匪人也不遺殃于民乎夫守令既經簡擇得人必多又禮之隆而責之專圖報必切不幸而遇匪人豈無所以處之乎且臣亦非以為監司可廢也盖早者分其繁尊者執其要治體當如是也撫按二司但當公以照之靜以觀之分巡分守或於歲終季終考士職掌而申達撫按覆按其實因其優劣而課其不及則教大過則抑反覆之而不悛於是覈其

罪之所在而去一以警其餘則賢者不至掣肘難行而不賢者亦不得以肆其惡矣守令之職專且久而職業未脩者臣未之信也然又不可徒恃虛文而已大抵天下未嘗無不可救之弊而患無救弊之誠亦未嘗無不可行之法患無行法之人探本覈實之論惟在撫按得其人而已矣欲撫按之得人惟在吏部都察院堂官忠赤肯任怨而已臣願皇上明勅各該堂官如遇巡撫之推必精擇老成重臣而久任之每歲巡按之遣不論其次而惟其人必得識達治體有憂國之真心者而後及焉如巡按四五次而舉措中理輿論攸服者則查舊例不次超拜僉都御史按

皇明倫說

卷之三十一

七

察使之職否則回京考察之例亦必見之行事不可徒存虛名蓋在外臣工監司守令有撫按以舉劾之巡撫則有科道以糾劾之而近日則雖同處巡按亦間有劾之者矣巡按一方其任極重勸懲之典獨缺可乎夫朝廷取舍必公必明天下撫按自不患其不得人矣撫按得人則其舉劾必公必明天下方面有司亦自不患其不得人矣雖然監司者守令之原朝廷者監司之本故大學首篇極論脩齊治平之道而揭其本曰自天子以至于庶人壹是皆以脩身為本伏望皇上正身率德以道脩身以身取人則內而輔弼九卿外而監司守令皆得其人矣王遵之成

何遠之有臣不勝惓惓仰望之至

任人圖治疏

彭韶

臣聞欲致天下之善治當任輔弼之賢臣欲求輔弼之賢臣必稽平素之才德蓋無才則不能當大事無德則不能制流俗故必才德兼備然後可置諸具瞻之地而責以治平之功此古今之通論也兩無足取而苟以充位非徒無以厭服人心且適足以破壞天下事矣事至破壞彼之奸諛固不容誅所可惜者勢已難為徒為國家之禍而已臣謹以才德之大綱論之處已寬仁存心正大夙夜在公白首不欺侃侃立朝之節孜孜體國之誠見善如己有視才如己能

皇明倫說

卷之三十一

七

五

如此而後謂之德非含糊苟且以為忠厚小廉曲謹以為雅操之謂也知無不為為無不當苟利社稷以身徇之出可以折衝禦侮入可以脩政立事上則致君為堯舜下則澤民如父母如此而後謂之才非精於簿書巧於結識奔趨敏捷搏擊嚴刻之謂也得真才直德而用之則朝著精彩人心悅服四海仰之而有望外夷聞之而有畏豈不興善治乎苟非才非德而用之則善類喪氣豪傑解體夷狄相傳以竊笑群小浮志以橫行其不去治而亂者幾希矣切見右僉都御史張岐近由副使陞除以協管院事命下之臣論諛騰不以為當其故何哉正以其平素卜之

也雖其得進之由踪跡謫私人莫能知然其三心已則皆知之矣以言其聲望則實輕以言其資歷則尚淺以言其德則公誠正大之全無徒外貌悻悻而已以言其才則濟人利物之不聞徒趨蹌搏擊而已蓋為人機軸似寇深而才不及安驟類吳禎而險過之搥身攘臂殊非偉重之才暴色疾言直為儂薄之器居上則凌下居下則欺上趙由之遺風也有勢則附之無勢則虐之張當之故智也是非任情躡躐同列不學無術用詐行私以奔競為長策以苛刻為能事安可任風憲之事而處非分之地哉夫都察院之設所以肅百寮而正百度定大事而決大議振揚紀綱禁絕奸惡天下百責皆其攸歸非若五府六部各司一事而已是必宏才碩輔乃可無忝厥任今以是人居之臣恐其威柄在手剛愎自由非惟無以振紀綱而反壞紀綱非惟無以禁奸惡而反長奸惡尚何肅百寮正百度定大事決大議之有哉近日廷臣所以舉之者豈不以其居官有激烈之聲而疑其有禦虜之畧耶臣竊以為不然夫古人所以善典戎幹事者以其安民和衆能得士心沉幾先物料釀不遺故也如岐者暴躁無狀淺見寡謀人雖畏威而不能無怨事雖苟集而不能無愆俾之專治方隅必然要功生事其可望之和協將帥以抗戎虜乎其能必之約

皇明疏鈔

卷之三十一

二二

嘉靖

東敦要以清兵政乎其能保之捐軀殞命以死終志手臣揣其能用之邊鄙且猶不可居中用事將如之何臣雖非先見之呂晦敢希直諫之胡銓不避斧鉞言之無諱然臣與張岐非有一日之怨片言之忿直以清議難容不賤憤激耳蓋一人之進若甚微而用舍之所關為甚大也一官之命若無妨而風憲之所繫為可惜也願乞下臣此章俾六科十三道公平是非則臣虛實灼然可見萬一不以為非伏望陛下以職掌繫風紀為念以用舍關治亂為憂將張岐別行叙用如王竑李秉葉盛者乞俯詢外庭斷以聖心或再行收召或取回治事則公論伸而用舍明用舍明而善治得矣昔宋靖康之際有臣李綱而不能任用而不能盡其於唐恪耿南仲之徒乃迭陞兩府遂使百備廢弛人心頑鈍夷虜乘之以亂中國方今四海全盛有金甌之固非宋季之比然昇平日久兵威不振夷狄跳踉敢入邊鄙有識之士亦未嘗敢釋然不隱憂於心也所可望者賴得人以扶持之耳今宜進賢如不得已不啻千鈞之弩勢不輕發可也苟或於用舍之間仍復草草則法冢拂士益踈曲學佞倖充斥雖政事日更法度日張臣恐無補於治矣譬如人有大病方虞邪氣之入顧及委之庸醫豈不誤哉臣竊念出位越職乃臣子之小過忠君憂國良臣

皇明疏鈔

卷之三十一

二二

嘉靖

子之至情古人有以布衣而憂天下事者人非之况臣忝廁班行誠不自量不忍自默者祇欲國家得人圖治以隆太平於億萬年使臣輩犬馬之齒得優游於無事之天而已他非有願望也不勝悵悵

知人官人疏

胡世寧

臣讀虞書臯陶謨有曰在知人在安民又曰知人則哲能官人是知人君代天理物其職專在於安民然推安民之要又在於能知人而使官稱其才也臣謹用斟酌古今事宜遵照 祖宗舊制擬為知人則例五條官人則例一十五條上塵 聖覽以助睿思之萬一昔宋臣范仲淹上百官圖於宋仁宗曰如此為敘遷如此為不次如此則公如此則私且曰進退近臣不宜全委之宰相仲淹當時官非言路任匪銓曹豈不為越職當罪也然其區區愛國之誠不遑自顧傳諸天下後世皆以為忠而惜其不能盡用也臣之愚誠竊亦效此伏惟 聖明垂意自覽天下幸甚知人則例五條 一論人之才術當以誠心體 國愛民為主而才與守斟酌品第有是心而才與守兼優者為第一等有是心而或才優守次或守正才次者為第二等無是心而才守兼優者為第三等無是心而或有才無守或有守無才者為第四等 一論

心之行如大臣科道翰林及在外方面正官當以

奸詐冒嫉為重而貪墨為次其部寺屬官方面佐貳及知府以下則惟罪其貪酷而偏詐之人尚未可去一凡尚書侍郎都御史府尹翰林科道布政使按察使兵備提學知府以上各項緊要官俱令到任一月後各舉一人自代吏部擇其舉多者擬奏陞擢庶多得人 一兩京大臣及在外撫按官俱以能薦賢稱職多者見其知之之明異日可備吏部之選吏部堂上官尤宜責其擇人多訪不必避嫌 一今內外臣僚皆以因循保守為賢其有盡忠為國擔當幹事不避流俗者朝士則眾怒群猜不能存立在外司府等官亦多被眾忌流謗考劾因而誤黜以此盡沮忠直之氣萬一 國家有事無人肯當是皆彼職名不聞於 上故也今宜法古御屏記名故事密訪內外臣僚中有盡忠體 國才堪委用者親記其名一二則彼不為奸謗所陷而真才得用矣 官人則例一十五條 一內閣三員或四五員舊當富亮輔弼之任今又總裁六部而議其進黜職任至重遇缺宜斟酌 先朝李賢等事例於六部尚書左右都御史中取其才望出眾練達事體公忠體 國知人有容者推補 一兩京六部尚書左右都御史約共十四五員為一等有缺宜於在外行事右都御史及兩京左右侍郎坐堂副都御史共二十四五員內推補仍

論其職務難易輕重或量其才力所宜由簡易而陞
重難或聽其心志所願辭重難而就簡易以均勞逸

一兩京六部左右侍郎坐堂副都御史在外總制
總督等項右都御史約共二十四五員為一等有缺

宜於兩京大理御史堂御史御史府尹詹事學士并
在外各處巡撫巡視南京管糧副都御史十三布

政司左布政使共四十餘人內推補 一遼東薊州

宣府大同山西延綏寧夏甘肅陝西四川貴州雲南

兩廣鄖陽南贛保定河南山東湖廣江西淮鳳蘇松

各邊腹巡撫并巡視河道都御史共二十三員為一

等此等官最要得人最宜久任如宣德正統景泰年

間各邊巡撫有只用寺丞等官領 勅行事不必官

大又如周忱在蘇松自侍郎陞尚書凡二十二年王

翱在遼東自僉都歷陞副都右都左都凡十有一年

于謙在河南山西十八年陳鑑在陝西亦十餘年是

皆事久功成保濟得地方生民為 朝廷分憂今此

等官宜於兩京各寺卿少卿大理寺丞年深出眾給

事中御史郎中在外右布政使按察使左右叅政年

深兵備副使上等知府內推陞原職高者陞副都原

職早者陞僉都十分資淺者陞署職令其領 勅一

般仁事其在邊不諳軍旅而善理民事者改任腹

裏不為貶抑年深有勞者就彼僉都陞副都副都陞

右都常管此方十分年深勞著者就陞部院掌印
正統天順年間金濂年富皆自副都陞戶部尚書不

為躡等蓋先必如此廣惟方能得人後必如此重權

方能久任久任方能脩葺得邊疆完固撫治得百姓

安樂以為 國家久安長治之計 一兩京府尹并

在外十三布政司左布政使共十五員為一等俱要

用歷練民事不厭煩勞者循資遷轉此官稱職者留

以久任遷陞六部侍郎并都察院坐堂副都御史不

必更陞在外巡撫以致遷轉不常不得盡心民事其

心行雖公廉而才力不稱者遷改相應職事奸貪者

即時罷黜如天順年間刑部尚書陸瑜禮部尚書蕭

暄皆由布政徑陞今若止陞侍郎副都不為躡等

一翰林春坊詹事府等官以備顧問侍講讀草 制

誥脩史牒最是清要之職詹事以來多重此官以備

卿輔之選然多選外官才學過人者試任雖取中狀

元亦令試歷民事方纔取入翰林我 國初多用徵

聘隱逸之士永樂宣德正統以來如楊士奇張洪由

王府審理教授黃淮劉鉉張益由中書舍人鄒濟陳

仲完由教職儲懋王洪陳山由給事中劉球李時勉

陳敬宗由主事胡儼由知縣蔣驥由行人于敬由御

史各陞翰林詹事春坊等職又如張英由教職薦陞

以 復進中允郭璉由叅政李賢由主事陞

御史皆歷陞侍郎尚書兼詹事學士又如張顯宗由翰林歷陞祭酒出為布政郭濟歷任春坊復陞知府王珣由檢討陞大理寺丞巡撫貴州歐陽謙由御史改編脩復陞郎中徐旭由御史陞郎中祭酒復改脩撰羅汝敬由侍讀改御史是皆惟才所宜不拘內外出入所以得人近年拘定庶吉士及進士第一甲素稱閣下門生者方得選授天下不無遺才今宜遵復舊制不拘內外郎中職事但有文學才行出眾者許大臣言官論薦 內閣吏部召試此官庶幾得人而可儲卿輔之望矣 一給事中御史皆有言責上而君身朝政缺失下而臣僚是非邪正皆唯其所言是聽使非其人人主誤聽其言則聰明惑亂是非邪正不明誤事不小不聽其言又為拒諫取謗天下至於御史又有巡按在外激濁揚清除奸革弊之責所係一方利害尤重故自古慎重此官我 祖宗朝如王翱由寺正甄庸由知府左遷陳祚由叅議康慶由知州落職皆復陞御史虞祥王鐸年富由教職冀凱由州判官皆陞給事中又如丁璿由主事馬守中由同知俱陞御史徐旭由御史陞郎中復改翰林歐陽謙由御史入翰林復陞郎中是皆唯才所宜不限資格所以得人而又拔其尤者超擢侍郎參都御史等官所以肯盡其職且又不時考察使偏私浮偽者不得

混於其中以惑 上聰明所以天下常受諫納之福而君上不受拒諫之名今宜使大臣于內外郎官及聽選進士中各薦所知必其忠直公正明識治體者方授此官三年之內考其敢言而忠諫有益舉刺得宜及巡按在外激揚興革有益地方者留以久任超擢卿佐等官其雖敢言而言或不切於事體或過於激烈易至觸忤者則遷改內外相應職事以保全之後仍記其忠直覈其後效量加超擢其或當言不言或挾私附勢妄奏及巡按不職者明奏降黜如此則言官皆得忠正之人而 朝廷納其忠諫有益於天下矣 一吏部文選考功兵部職方武選禮部儀制等司郎中亦須妙選若得其人亦宜久任量加超擢其平常不稱者即令外補 一通政司鴻臚寺官專取聲音洪亮於本衙門遷轉已有舊規其有才堪部院者亦行推用 一兩京坐堂僉都御史南京總督糧儲都御史及各寺卿佐并各部寺屬官照常循資選轉然人才各有所長有不相宜者彼此更調不妨 一在外布按二司官宜只於本地衙門遷轉雖有資格遲速不同歸了總美有甚懸絕不得已者方推鄰近地方官陞補仍照弘治以前事例僉事陞陞副使徑陞按察使按察使徑陞左布政使參議徑陞參政參政徑陞右布政使不必如今逐級挨陞

南地遠調以致往來不常應感月地方常致誤事其四川雲南貴州廣西宜於附近地方資淺人員內比常早陞以酬其勞遠一各道分巡兼事國初選定道分九年方改後因改道不常凡遇地方難事皆推避不理以致豪強貪猾任情作弊害民地方受患今皆宜如廣東等處事例三年滿日方許改道仍須考其三年任內奸弊盜賊豪強貪猾之有無以為殿最本司若有進表等項公差止於貼堂副使或分巡各道兼事內差遣其分道三年之內不許改差一各處緊要兵備及提學官俱要於資淺人員內推其才力相應者先陞兼事後加副使常管此方其職任內事務不許他官撓越如提學所管教官兵備所管有司巡捕并衛所官有犯撫按衙門俱就委其提問不必改委他官以致權柄不一事體難行兵備必須無理本道分巡以便行事至於練兵捕盜應該勸賞等項財物許其措置或動支官錢如此又任專制方可責其成功十分年深勞著者提學推陞少卿祭酒等官兵備推陞各邊巡撫其餘照常遷轉才力不稱者就行改調別任不宜姑息一知府知州知縣三等親民之官使非其人則上司雖有好官行得好事不能實到百姓所以自古國家慎重此職漢制即官出宰百里郡守入為三公唐制不歷

刺史不得任侍郎列卿不歷縣令不得任臺郎終我國初取中進士俱選縣官徵至賢才多選守令正統以來知府俱責大臣保舉知州知縣另委吏部揀選所以得人且又立為定制知府知州見上司不行跪禮以重其職其又任卓異者不次超擢如何文淵由知府即陞侍郎胡儼由知縣即陞檢討所以人多樂為此官弘治初年又責其備荒積穀多少以為殿最所以民受實惠固得邦本如此久長正德以來此官不重輕選驟陞下焉者惟圖取資得錢以防遠退上焉者惟事奉承取名以求早陞皆不肯盡心民事以致民窮財盡一遇凶荒多致餓死今宜遵復先朝舊規知府令在京堂上官於京官七品以上在外在間五品以上官內保舉在外撫按及布按二司掌印官於叅議僉事同知知州內保舉其知州知縣俱聽吏部預行揀選仍責撫巡布按二司於府通判推官州同知知縣內保舉堪任知州之人州判官縣丞主簿儒學教職司府衛首領官內保舉堪任知縣之人必其有愛民之誠有守己之操有處事之才三者俱備而後可任此職後有不稱舉主連坐誤舉者先能自首則免到任之後察其奉公守廉而不盡心民事才力不稱者改任品級相應職事貪酷罷軟者即時罷黜其稱職者留以久任知府九年以上者即

陞四品京堂并布按二司長官次者照常陞參政使等職知州九年以上者即陞參議知府郎中僉事次者照常陞員外府同知運同等官知縣上者三年行取到京考其文學德行出衆者選入翰林忠直剛正識治體者選為科道才識明敏者分任部寺屬官其有深得民心願留久任者超擢府州正職次者九年六年照常遷轉如此選任方得民受實惠地方雖遇凶荒盜賊可保無虞矣 一在外知府知州知縣與凡方面有司等官陞選俱合註於原籍相近地方廣西雲貴有司尤宜查照私治以前事例只於本省人員內陞選庶免其不服水土且得到任易便不致

地方曠官日久緣係知人官人事宜謹

題請 旨

霍韶

臣竊惟天下之治在人才人才振作在至公苟權有偏重人競其私則忠賢沉屈下僚庸才倖登要秩賢否混淆甚非所以贊 聖治熙鴻績也 臣伏覩 陛下宵旰孜孜圖惟治理十有四年于茲矣是宜百官有司無不競勸矣是宜治政無不理矣乃今郡邑有司未見其慎職賊私未見其改勵政治未見其振飭生民未見其安養怨氣鬱積感召變災皆 臣等不職不能奉揚至公之罪也 臣恒謂天下不治皆百官不之罪也百官之職皆吏部之罪也 臣未敢備舉謹

自推陞官員一事開具積年錮弊為 聖明陳之 京堂有缺吏部不得擅推惟具缺員 朝廷特旨陞用考滿黜陟取自 上裁吏部例不考覈案牘具存可質也自成化末年權歸內閣萬安劉吉等畧招權賄言官攻焉自後小京堂推陞遂屬吏部甚至兩京府尹光祿寺卿太常寺卿京堂三品官也推陞亦屬吏部巡撫都御史至要且重職也推陞惟會戶兵兩部吏部之權愈偏重矣重權所在人易行私故自府尹及各寺卿凡蒙推陞即拜謝於吏部之門語云受官公朝謝恩私室古今大戒各官乃感恩吏部不知歸恩 朝廷吏部權重之弊一也若大理光祿各寺少卿順天大理等丞惟吏部專擅推舉故科道部官欲陞小京堂只勿得罪吏部勿得罪內閣即可安坐得之矣或暗託腹心於吏部或借吹噓于內閣小京堂官亦無不得之矣外任兩司知府雖有推陞卿丞之例而勢分孤遠得與其選者或鮮矣剛直雅正之士不肯低首權門輒縮細人恒奔趨以竊位所任非材真材不任吏部權重之弊二也天下知府只百五十餘員知府之秩四品位不為不尊矣所統專城地方千里責不為不重矣生民休戚皆寄命焉權不為不要矣有缺推陞惟具一員 朝廷不能裁其可否三權一付之吏部矣科道官有得罪吏部推陞知府

彼即緘口以去矣部屬官有才宜內任或彼嘗

陞遠方知府無巧於愬矣百官惟知畏吏部不知畏

朝廷吏部權重之弊三也近承 聖諭自今巡撫員

缺皆會官推舉 聖上睿見洞察隱微矣自是撫臣

知推舉之公出諸輿論與奪實由 朝廷不專歸恩

吏部矣惟光祿太常太僕府尹卿丞之職吏部尚專

權焉甚非所以昭大公也夫卿丞吏秩也况由是進

馬六卿之長亦其選也可勿重乎伏乞 聖斷著為

定例凡兩京太常寺卿光祿寺卿太僕寺卿皆秩三

品者也遵照 聖上新定會舉巡撫等例會九卿推

舉吏部毋自專焉兩京大理寺少卿寺丞太常寺少

卿太僕寺少卿兩京國子監祭酒司業兩京府丞兩

京通政叅議皆清要職也合候四員具缺即會九卿

推舉內外才望官八員請 旨擢用吏部毋得專焉

於八人之舉也六部大理寺科道官中舉四人焉在

外叅政叅議副使僉事運使知府中舉四人焉惟求

內外均平使人無重內輕外之嫌也部屬與科道並

舉使吏部司官無專陞京職之私也僉事知府運使

才德昭著皆陞京堂使人知競勉守職毋疎遠自棄

也必九卿僉舉絕吏部握權過重之弊也必四缺乃

會推從簡便也亦猶六科給事中五缺以上乃一推

也否則人惡其厲已也謀沮焉曰是煩數會也僕

僕廢時也自是內外官員轉遷美秩皆知出諸

與奪實由 朝廷不專歸恩吏部矣推陞知府亦

推陞僉事例焉凡缺一員推資望官二員請 旨擢

用推舉不當着再推焉有隱蔽不公言官糾正焉自

是人知郡守之重思所以奮庸矣自是科道官推陞

知府自知 朝廷寵擢不怨曰權勢擠我矣自是吏

部官不敢憑私報怨擠才望官于遠郡矣自是郡守

得人與奪實由 朝廷不專歸恩於吏部矣是天下

之大公也惟人情甚不利焉吏部徇私者曰是焚更

舊例實削我權不利一也小人油滑者曰我善刺自

今權要不能吹噓一人矣不利二也權要欲遂屬託

自壓於輿論莫行已私不利三也吏部四司官不得

顯陞京堂不利四也於治體有大利焉吏部官不得

市恩植黨傷 皇朝治化一也科道官知直已守道

不畏吏部不畏內閣以背 朝廷二也六部屬官才

德昭著皆陞美秩外任官勞績昭著亦陞美秩蕩蕩

平平之治於 聖治有光焉三也人思供職紀綱自

振治化自淳四也斯議也臣久欲上 聞惟慮事體

未練不敢輕率或召募更之嫌乃今謬承 聖恩

掌部印推陞各項官員日不可缺積年錮弊尚

宜條陳改革者但臣力未及臣竊伏自念若

弊則吏部何以勵勸百官何以贊募治化何以

聖明疏鈔

卷之三十一

三

聖明疏鈔

卷之三十一

三四

五